



ÖCHER PLATT E.V.

VEREIN FÜR MUNDART UND VOLKSKUNDE

Kutt, mer gonn zesamme en de Altstadt!

(Melodie: Guter Mond, du gehst so stille)

Kutt, mer gonn zesamme en de Altstadt,
wann der Dom em Mondsching herrlich blink.
Loß mer dann em Schmölzge jet flaniere,
wo su mänche Weetschaff uns ald wink.
Ov em Gir, ov en de Gasse:
Üvverall, do hööt mer kölsche Tön.
Leeder klinge, Lück, jetz »huh de Tasse«,
an der Thek, do laache Ühm un Möhn.

Kutt, mer laufe, för uns Stadt ze kenne,
op de Plätz, nohm Hännesge, nohm Jan.
Fremde frög mer dann, wohin se renne,
sugar Kölsch verstonn se, dann un wann.
Un mem Rucksack, Koffer, Täsche
Stonn am Bahnhoff se: do eß jet loß.
Wann se ielig dann nohm Nümaat käsche,
och em Stadion »geiht av de Poß«.

Wat ich met der Gitta he verzälle,
eß der Alldag met Gedöns un Streß.
Doch, leev Lück, et geiht nix üvver Kölle,
wat uns Auge sinn, dat eß e Feß.
Künnt uns Stadt doch Heimat gevve
Jedem, dä eß beßge Hoffnung hät,
un wie leich wör dann et ganze Levve,
wann der eine met däm andre drät!

Gaby Amm, Köln